



閩媛典第二百三十七卷

閩節部列傳一百十九

明一百十四 盧大乾妻盧氏 段尙綱母王氏

按商城縣志盧氏諸生盧大乾妻夫早歿盧守節貧苦子天錫甫八歲教訓成名舉癸卯孝廉

按商城縣志王氏諸生段尙綱母年十九喪夫守節至九十六歲終

王湛臺妾陳氏 張森母羅氏

按商城縣志陳氏刑部侍郎王湛臺妾北京人王卒于京意其必改適氏堅志扶柩歸葬終身衣白不替 按商城縣志羅氏諸生張森母夫早喪森止三歲羅晨夜紡織以理家務凡賓祭婚喪如

夫存日人稱其節而有才

馬繩武妻馬氏

按商城縣志馬氏太學生馬繩武妻武歿氏年二十九三子俱幼顛沛流離之際事姑盡孝撫子成立苦節四十餘年年七十四終三子俱入泮

岳崇妻謝氏

按息縣志謝氏年十六適諸生岳崇執婦道事舅姑以孝稱崇病亡謝年二十有二誓不再適撫二幼子皆成人五十餘年如一日年八十四卒

張奎妻鄧氏

陸和妻張氏

劉佐妻胡氏

按息縣志鄧氏年二十二適諸生張奎二載而奎亡子琦僅七月人咸慮之鄧仰天泣曰吾夫止遺一息必撫之以承祀若奪吾志有死而已孀居三十年教琦成立

按息縣志張氏年十九適陸

和閑于婦儀內外稱賢和早亡張守節三十餘年紡績自給教子女有法閨門肅然鄉里高其節

按息縣志胡氏劉佐妻相其夫稱賢佐亡胡年二十四哀痛幾絕或諷再適氏峻拒之教子江成人鄉里推服

任若尹妻毛氏

按息縣志毛氏諸生任若尹妻若尹年未強仕有子五人寢疾語氏云吾篤志於學未能成名諸子有成吾志者吾不及見也子勉之氏泣受命孝侍其姑和熊教子後長子宣猷成進士宣烈官副總

戎餘三子並列諸生

熊夢祥妻陳氏

按南陽府志陳氏南陽諸生熊夢祥妻祥亡氏年二十五撫子文蔚弱冠入泮未幾死氏孑然一身冰霜自勵以壽終

薛慥妻曹氏

按南陽府志曹氏南陽薛慥妻年及笄適慥慥富家子好撈菰家業蕩盡止遺田四十畝屋數椽慥歿氏年二十五子國銘二歲氏營葬畢抱孤兒歸母家十年不見兄弟及國銘長始攜歸獨處一室足跡不出簾幃止畜一跛嫗供役壽至大耋終

高維漢妻李氏

王保子妻趙氏

按南陽府志李氏南陽高維漢妻夫早亡子允登四歲氏年二十九姑顏氏久病牀褥氏奉病姑撫弱子苦節四十餘年終

按南陽府志趙氏南陽王保子妻夫早亡苦節終老

陶應祥妻趙氏

按南陽府志趙氏南陽陶應祥妻夫早亡氏年十九一女未週以死自誓哀號絕食七日死而復甦其姑跪勸之乃忍死撫女甘冰蘖二十年以疾終

李端妻張氏 杜榮妻劉氏

按南陽府志張氏內鄉人年十六歸李端生子四歲而寡父母舅姑憐其少欲嫁之氏誓死不二以節終 按南陽府志劉氏內鄉人年二十適杜榮生一子夫亡養翁姑撫幼子守節終身

劉子謙妻喬氏 陳海妻于氏

按南陽府志喬氏內鄉人劉子謙妻夫亡氏年二十五家貧撫孤苦操不二 按南陽府志于氏內鄉人陳海妻夫歿氏年二十孝事翁姑撫孤完節

彭彬妻王氏

按南陽府志王氏南陽彭彬妻彬早亡子而述四歲氏織組操作奉姑撫孤崇禎庚辰而述成進士除陽曲令迎養晉陽氏念起家艱難教以勤施惠政問有善狀則喜癸未沒于官署以寇亂權厝平陽後而述以母節表于朝輿櫬歸葬于禹山之陽

劉思舜妻戴氏

按南陽府志戴氏泌陽諸生劉思舜妻年十五適思舜夫亡守節撫二子俱成名士歲大祲流寇亂有鄰婦王氏者夫爲寇擄王氏窘急自經戴與鄰媼救之因勸曰爾一家性命在爾爾死則舉家無復生理盍苟延以待夫歸也婦曰翁跛姑盲三子皆幼無升斗以爲養不死何待戴乃分餐給之逾月其夫歸舉家因以全活

張輝煌妻蘇氏

按南陽府志蘇氏泌陽人千戶張輝煌妻武德將軍蘇三近女幼習女訓善事舅姑輝煌沒蘇年二十四子正坤方七歲矢志撫孤年七十卒

張孫繩妻丁氏

王繼文母王氏 李宏妻焦氏

按南陽府志丁氏新野張孫繩妻年二十二夫亡無子勵志守節養舅姑喪葬盡禮年七十餘卒

按泌陽縣志王氏邑廩生王繼文母有詔建坊旌其節事實無考

按泌陽縣志焦氏邑廩生李

宏妻事實無考

古今圖書集成
焦應占妻李氏

吉應光妻鄭氏

按泌陽縣志李氏邑庠生焦應占妻年十八孀居壽六十三奉詔建坊以子覲祖貴累封恭人

按泌陽縣志鄭氏諸生吉應光妻年二十七夫亡家貧苦節孝事舅姑教子以義方葬親以禮崇禎間學使旌表

王如愚母陳氏

焦同樂妻崔氏

劉洲妻葉氏

按泌陽縣志陳氏諸生王如愚母事實無考

按泌陽縣志崔氏焦同樂妻年二十一夫亡堅志

撫三歲孤成立年九十七終

按鎮平縣志葉氏劉洲妻年二十喪夫甘貧守節有司表之

康統妻朱氏

梁旺妻吳氏

葉潤妻張氏

按鎮平縣朱氏康統妻夫歿年少貧而守節教子爲儒有司表之

按鎮平縣志吳氏梁旺妻年

二十三夫亡毀容矢志躬自紡績事舅姑教育二子成立年八十二卒有司旌其門

按鎮平縣

志張氏葉潤妻年二十五夫亡守節鄉閭稱之

袁相妻王氏

朱孔堂妻史氏

王汝謙妻劉氏

按鎮平縣志王氏諸生袁相妻年二十八孀居苦節三十餘年有司旌之 按鎮平縣志史氏朱

孔堂妻年二十一夫亡安貧苦節紡績撫孤奉詔旌表 按鎮平縣志劉氏諸生王汝謙妻年二

十一夫亡甘貧守節壽七十卒縣令爲請旌節

韓志妻甯氏 王好問妻趙氏 孟雲妻王氏

按鎮平縣志甯氏韓志妻年二十二夫歿躬紡績守節不移壽八十二有司旌之 按鎮平縣志

趙氏王好問妻夫歿長子納諫在襁褓次子納誨遺腹趙苦節自誓孝事舅姑教二子皆成立縣令旌之 按鎮平縣志王氏孟雲妻夫早亡王堅持苦操始終一節壽九十七有司旌之

朱金妻陳氏 廖慶妻白氏 劉孝祖妻王氏

按鎮平縣志陳氏太學生朱金妻夫沒陳年二十九守節至七十五歲而卒有司旌之 按鎮平

縣志白氏太學生廖慶妻夫亡白年二十五家貧無嗣苦守七十餘年有司表其門 按鄧州志

王氏劉孝祖妻祖亡氏年二十九生一子夫亡妾遺腹亦生一子氏躬紡績撫育二孤均分產業守

節四十餘年有司旌其節

蘇篇妻李氏

丁氏附

郭應奎妻黃氏

按鄧州志李氏蘇篇妻年三十篇亡氏撫孤守節生孫汝霖早喪孫婦丁氏夙承祖姑之訓亦矢志不二
按鄧州志黃氏郭應奎妻年十九喪夫舅姑謀奪其志氏哀毀骨立屢欲自經舅姑勸止日竭甘旨事繼姑撫養幼弟尤極勤劬郭氏賴以不斬有司奏其事勅建坊旌表

丁鑑妻楊氏

黃祿妻高氏

按鄧州志楊氏丁鑑妻鑑亡遺二孤在抱氏飲冰茹蘖晝夜課訓孳居五十餘年奉姑教子妯娌無間言
按鄧州志高氏黃祿妻年二十餘夫亡矢志不改適撫遺孤爲郡學弟子員州守表其門

孔時通妻張氏

張誦妾章氏

按鄧州志張氏孔時通妻適通甫二載夫亡無嗣抗節自守垂四十年以疾終

按鄧州志章氏

張誦妾誦亡章年二十七與嫡丁勵志守節同撫遺孤紡績以督夜讀丁尋喪守愈勵食粗糲茹苦教子成名有司聞其賢奏表其門

藍家秀妻丁氏

按鄧州志丁氏藍家秀妻年十七適秀越二年秀亡無子力貧守節竭女紅奉舅姑二十餘年舅姑沒鬻奩治喪盡禮負土營二塚手時一柏記之忽傍生一柏理不相連而根柯相抱人以爲連理之瑞事聞建坊旌表

呂綬妻劉氏

按新野縣志劉氏呂綬妻適綬五年而寡有言改適輒面赤走避弗與言

王師孔妻張氏

按濟南府志張氏禹城人王師孔妻師孔父南征死孔覓父屍遭疾而歿張年二十一家道殷實數被族人侵害張曰吾據此厚產節可終乎一日出千金盡散族人止留瘠地數畝仍擇宗子以承祀禹城平原兩縣令各旌表

孫如蘭妻夏氏

按濟南府志夏氏德州人孫如蘭妻夫早亡氏年十八無子誓以死殉家人力勸之乃勉執家事孝奉孀姑恩撫弱弟苦節自守始終如一卒年五十餘

古今圖書集成
郭明妻信氏

按濟南府志信氏德平人郭明妻夫亡無子信年甫十八或勸之嫁慟曰翁姑老忍棄之耶日夕紡績以供衣食翁姑歿備棺殮禮葬邑令表其門

王某妻曹氏

程晉妻吳氏

按濟南府志曹氏德平人王某妻夫被逆弟刺死曹年二十六無出矢志自守撫親族處女紡績終身年八十邑令旌表
按濟南府志吳氏德州人教授吳之茂女庠生程晉妻夫亡氏年十八子女俱無閉戶苦節四十餘年年六十七卒有司旌表

劉大壯妻張氏

時觀妻蘇氏

齊弟妻王氏

按濟南府志張氏德平人劉大壯妻年十九夫亡無田產食貧守節孝養翁姑四十餘年邑令旌表
按濟南府志蘇氏德平人時觀妻年十五嫁觀十七孀居守節奉翁姑盡孝養終身不二
按濟南府志王氏德平人齊弟妻年十九夫亡無子女家貧甚甘心苦節紡績度日年八十餘終

張雲妻李氏

唐士利妻杜氏

賈錫妻許氏

按濟南府志李氏樂陵人張雲妻年二十生一子夫亡鄉人欲奪其志誓死不從閉門紡績撫孤終其身

按濟南府志杜氏樂陵人諸生唐士利妻年二十一生一子士利病篤誓欲同死遵夫遺命撫孤紡績度日不易其守事聞旌之

按濟南府志許氏樂陵人賈錫妻年二十一夫亡守節

撫幼子成人年八十六卒

左達妻李氏

蘇銓妻田氏

王有土妻梁氏

按濟南府志李氏濱州人左達妻年二十二夫亡遺二子長三歲次一歲家貧甚閉門苦守四十餘年旌表

按濟南府志田氏濱州人年二十一夫亡鄉人勸改嫁氏誓死不從織紡爲活撫幼女成立奉翁姑苦守三十餘年旌表

按濟南府志梁氏諸生王有土妻夫亡氏年十八孀居苦守

教子讀書有學行

左汭妻王氏

齊邦典妻張氏

張瀾妻董氏

按濟南府志王氏濱州人諸生左汭妻夫亡貞守四十餘年教子橫登賢書仕縣令

按濟南府

志張氏濱州人齊邦典妻夫陣亡晝夜號泣嘔血幾死守節不嫁遺腹生子盡忠力女紅撫之成立

事舅姑以孝聞卒年五十有七

按濟南府志董氏濱州人知縣張瀾妻早孀苦節撫孤成名白

首無二旌表

崔大成妻呂氏 于際妻王氏

按濟南府志呂氏利津人崔大成妻年二十夫亡一子甫二歲舅姑相繼沒家貧誓不再適守志五十年撫孤成立 按濟南府志王氏利津人庠生于際妻夫亡號泣絕食誓以身殉以舅姑在堂忍死奉養後二親相繼沒或欲奪其志氏正色拒之叅政給以粟帛縣令表其門

紀瑄妻李氏

按濟南府志李氏利津人庠生紀瑄妻夫亡氏年二十一家貧紡績養姑訓子繡甚嚴姑歿以禮葬守節六十一年繡登進士第旌表

安智妻張氏

按濟南府志張氏利津人安智妻夫亡氏年十九子甫月餘家貧僦屋以居人不堪其苦或勸改嫁不從守節六十三年旌表

孟紹芳妻李氏

按濟南府志李氏利津人庠生孟紹芳妻年二十二夫亡無子二女幼斷髮自誓苦節事姑以孝聞執喪如禮訓二女皆適人年五十三卒

王濟妻夏氏

按濟南府志夏氏利津人庠生王濟妻夫亡氏年二十六伏尸哀慟絕而復甦遺孤立身甫四十日氏誓死無二志家貧躬績紵養姑以孝聞教子舉甲子孝廉令終

李可昇妻程氏

按濟南府志高氏利津人李可昇妻夫亡氏年十九遺孤未週歲母垂白家貧躬紡績傭女工奉養撫育惟謹子之華長爲諸生有文行孫培登進士

高崇爵妻孟氏

按濟南府志孟氏利津人高崇爵妻夫亡止一子矢志撫育事姑至孝飲食浣濯靡不承志姑疾不食誓以身代疾尋愈氏年八十一終

古今圖書集成
郭治烜妻魏氏

按濟南府志魏氏利津人知縣郭煥子治烜妻夫亡氏年二十餘家貧如洗子然一身誓死靡他嫁女撫孤茹荼服勤五十餘年年八十餘終公舉旌表

王沛妻丁氏

按濟南府志丁氏霑化人王沛妻沛侍御弘道子早天氏冰霜自矢撫孤維城成立及維城死又撫孫之輔爲諸生年七十以疾終鄉人賢之

范啟明妻李氏

楊繼業妻王氏

按濟南府志李氏霑化人諸生范啟明妻年十九夫亡家貧姑老一子方踰歲備嘗艱苦紡績自給事姑以孝聞子文馨有聲巖序
按濟南府志王氏霑化人楊繼業妻夫歿氏年二十誓死不嫁艱苦萬狀以年荒徙居郡城自食其力積膏火訓其子文迴成諸生

王猷妻李氏

按濟南府志李氏霑化人諸生王猷妻夫歿一子甫六月氏年二十家貧或勸他適輒指其子曰亡

人一塊肉何忍棄之卒撫之成立諸孫林林氏年七十餘卒

楊傑妻范氏 隆福妻喬氏

按濟南府志范氏霑化人楊傑妻夫亡子幼家四壁立并日而食矢志不改 按濟南府志喬氏

霑化人隆福妻早寡撫一子織紉自活白首不渝旌表

丁懋學妻李氏 范肇春妻孤氏

按濟南府志李氏霑化人丁懋學妻早寡撫孤紡績自給教子治世平世皆成諸生治世食廩餼有

德行 按濟南府志孤氏霑化人范肇春妻年二十餘夫亡一子殊幼教子事姑協和妯娌子孫

俱列庠序

王鳳毛妻孫氏

按濟南府志孫氏霑化人廩生王鳳毛妻少寡事舅姑及祖翁姑孝撫孤克成立年九十餘終

孫三澤妻王氏 李如軫妻張氏

按濟南府志王氏霑化人孫三澤妻早孀撫二子甘貧苦節子裔昌官知府誥封恭人 按濟南

府志張氏霑化人諸生李如軫妻年十九夫亡誓不改嫁撫孤成立苦節終身

王自守妻李氏

按濟南府志李氏霑化人王自守妻李恩女歸未期年守病氏告天請代守病篤三日不言氏問故守曰夫何言有母七旬今且死爾少當嫁夫何言氏大慟以刀自割其髻誓曰所不奉姑終天年者如此髮言已守遂絕氏葬守畢泮泮統以給朝夕不足拾野薪佐之姑九十餘以病終氏無依歸母家以歿年亦八旬大中丞呂坤旌之

丁懋德妻董氏

馬文麟妻韓氏

按濟南府志董氏霑化人丁懋德妻年二十二夫死誓不更適事舅姑以孝聞
按濟南府志韓氏蒲臺人諸生馬文麟妻夫亡氏年二十七事姑撫子貧苦備嘗旌表

趙純夫妻韓氏

宋卿妻王氏

王仲善妻劉氏

按濟南府志韓氏蒲臺人趙純夫妻純夫早亡氏年十八守志撫孤年五十八卒旌表
按濟南府志劉氏府志王氏蒲臺人宋卿妻夫亡氏年二十六撫孤成立垂老不變縣令表揚
按濟南府志劉氏